

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE
KOMISIJA ZA PROPISE

Broj: 01-45-7988/21
Zenica, 23.04.2021. godine


Mišljenje Komisije za propise povodom Zahtjeva JP "Parking servis" d.o.o. Zenica

Na sjednici održanoj 23. aprila 2021. godine Komisija za propise razmotrila je Zahtjev JP "Parking servis" d.o.o. Zenica za tumačenje Komisije u vezi sa Zaključkom Gradskog vijeća Zenica broj: 01-49-15910/19 od 23.07.2019. godine, kojim se prolongira primjena odredaba Odluke o organizaciji i načinu naplate parkiranja na javnim parking mjestima ("Službene novine Grada Zenica", broj: 5/18).

S obzirom da na temelju donesenog zaključka nije jasno da li se zaključkom prolongira primjena samo određenih odredbi Odluke o organizaciji i načinu naplate parkiranja na javnim parking mjestima ("Službene novine Grada Zenica", broj: 5/18) i koje su to odredbe ili pak cijela odluka, a imajući u vidu da je članom 31. naprijed navedene odluke propisano da početkom primjene Odluke prestaje da važi Odluka o organizaciji i načinu naplate parkiranja ("Službene novine Općine Zenica", broj: 6/04), Komisija za propise mišljenja je da je navedena pravna situacija neodrživa, te s tim u vezi predlaže Gradskom vijeću sljedeće:

1. Donošenje Odluke kojom se propisuje da se Odluka o organizaciji i načinu naplate parkiranja na javnim parking mjestima ("Službene novine Grada Zenica", broj: 5/18) stavlja van snage i zadužuje Gradska uprava da u roku od 30 dana dostavi Nacrt Odluke o organizaciji i načinu naplate parkiranja na javnim parking mjestima, čime bi Odluka o organizaciji i načinu naplate parkiranja ("Službene novine Općine Zenica", broj: 6/04) ostala na snazi do donošenja i početka primjene nove odluke Vijeća.

Komisija za propise



PRIJEDLOG

Na osnovu člana 21. tačka 26) i člana 116. stav (3) Statuta Grada Zenica ("Službene novine Grada Zenica", broj: 5/15) i člana 44. Poslovnika Gradskog vijeća ("Službene novine Grada Zenica", broj: 4/17 i 4/20), Gradsko vijeće Zenica, razmatrajući Mišljenje Komisije za propise broj: 01-45-7938/21 od 23.04.2021. godine, na sjednici održanoj dana _____ 2021. godine, donosi

ZAKLJUČAK

I

Usvaja se Mišljenje Komisije za propise broj: 01-45-7938/21 od 23.04.2021. godine.

II

Mišljenje iz tačke I čini sastavni dio ovog Zaključka.

III

Zadužuje se Gradska uprava da u roku 30 dana od dana donošenja ove Odluke Gradskom vijeću dostavi Nacrt Odluke o organizaciji i načinu naplate parkiranja na javnim parking mjestima.

IV

Ovaj Zaključak stupa na snagu danom donošenja.

Broj: _____/21

Zenica, _____ 2021. godine

PREDSJEDAVAJUĆI
GRADSKOG VIJEĆA ZENICA
Almir Babajić

PRIJEDLOG

Na osnovu člana 21. tačka 2) i člana 116. stav (1) i (2) Statuta Grada Zenica ("Službene novine Grada Zenica", broj: 5/15) i člana 37. Poslovnika Gradskog vijeća ("Službene novine Grada Zenica", broj: 4/17 i 4/20), Gradsko vijeće Zenica, na prijedlog Komisije za propise, na sjednici održanoj dana _____ 2021. godine, donosi

ODLUKU O STAVLJANJU VAN SNAGE ODLUKE O ORGANIZACIJI I NAČINU NAPLATE PARKIRANJA NA JAVNIM PARKING MJESTIMA

Član 1. (Predmet odluke)

(1) Ovom Odlukom stavlja se van snage Odluka o organizaciji i načinu naplate parkiranja na javnim parking mjestima („Službene novine Grada Zenica“, broj: 5/18).

(2) Do donošenja i početka primjene nove odluke o organizaciji i načinu naplate parkiranja na javnim parking mjestima, primjenjivat će se Odluka o organizaciji i načinu naplate parkiranja („Službene novine općine Zenica“, broj: 6/04).

Član 2. (Stupanje na snagu)

Ova Odluka stupa na snagu narednog dana od dana objavljivanja u "Službenim novinama Grada Zenica".

Broj: _____/21

Zenica, _____ 2021. godine

PREDSJEDAVAJUĆI
GRADSKOG VIJEĆA ZENICA
Almir Babajić

O B R A Z L O Ž E N J E

I – PRAVNI OSNOV

Pravni osnov za donošenje ove Odluke sadržan je u odredbi člana 21. tačka 2) Statuta Grada Zenica („Službene novine Grada Zenica“, broj: 5/15), kojom je propisano da Gradsko vijeće u okviru svoje nadležnosti donosi odluke i druge opće akte kojima se uređuju pitanja iz samoupravnog djelokruga Grada, odredbi člana 116. stav (1) kojom je propisano da Gradsko vijeće u okviru samoupravnog djelokruga donosi propise i druge akte, preporuke, smjernice, deklaracije, rezolucije, te pojedinačne akte u skladu sa zakonom i ovim statutom, te odredbi stava (2) istog člana kojom je propisano da Gradsko vijeće donosi sljedeće propise: Statut, Budžet, planske dokumente, odluke, pravilnike, poslovnike i druge propise utvrđene Poslovníkom Gradskog vijeća. Odredbom člana 37. Poslovníka Gradskog vijeća („Službene novine Grada Zenica“, broj: 4/17 i 4/20) propisano je da se Odluka donosi kao opći akt ostvarivanja prava i dužnosti Vijeća, kao akt izvršenja zakona i kao akt utvrđivanja unutrašnje organizacije i reguliranja odnosa u Gradu.

II – RAZLOZI DONOŠENJA

JP „Parking servis“ d.o.o. Zenica zatražilo je od Komisije za propise pravno tumačenje Zaključka Gradskog vijeća Zenica broj: 01-49-15910/19 od 23.07.2019. godine. Komisija za propise postupila je po traženju navedenog javnog preduzeća i razmotrila predmetni zaključak, kao i Odluku Vijeća na koju se zaključak odnosi i zaključila sljedeće:

Zaključkom Gradskog vijeća Zenica broj: 01-49-15910/19 od 23.07.2019. godine prolongirana je primjena odredaba Odluke o organizaciji i načinu naplate parkiranja na javnim parking mjestima („Službene novine Grada Zenica“, broj: 5/18) do ispunjenja odgovarajućih uslova.

Radi se o Zaključku koji je nejasan i nedorečen budući da se istim prolongira primjena odredaba Odluke o organizaciji i načinu naplate parkiranja, bez da je prezirano o kojim odredbama se konkretno radi. Zbog neprecizne formulacije Zaključka postavlja se pitanje da li se isti odnosi na odredbe Odluke u cjelini ili samo na određene odredbe Odluke. Ukoliko se Zaključak odnosi samo na određene odredbe Odluke, postavlja se pitanje o kojim odredbama se konkretno radi i ima li smisla primjenjivati Odluku kada je primjena ključnih odredbi prolongirana do sticanja odgovarajućih uslova. Na kraju, postavlja se pitanje koji su to odgovarajući uslovi za početak primjene Odluke.

Zbog svega naprijed navednog, Komisija za propise zauzela je stav da je Odluku o organizaciji i načinu naplate parkiranja na javnim parking mjestima („Službene novine Grada Zenica“, broj: 5/18) neophodno u cijelosti staviti van snage. Do donošenja i početka primjene nove Odluke kojom će se regulisati organizacija i način naplate parkiranja u Gradu Zenica, primjenjivat će se Odluka o organizaciji i načinu naplate parkiranja („Službene novine općine Zenica“, broj: 6/04).

KOMISIJA ZA PROPISE

